

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԵՂԱՐՔՈՒՆԻՔԻ
ՄԱՐԶԻ ԽՈՐՀՐԴԻ ՆԻՍՏԻ

ք. Գավառ

26.12.2017 թ. ժամը 11.00

Նախագահում էր ՀՀ Գեղարքունիքի մարզպետ Կարեն Բոթոյանը, մասնակցում էին մարզի խորհրդի 57 անդամներից 52-ը:

Մասնակցում էին ՀՀ Գեղարքունիքի մարզպետ տեղակալներ Անդրանիկ Հակոբյանը, Կարեն Հակոբյանը, Արտաշես Նիկոյանը, մարզպետարանի աշխատակազմի ղեկավար Սևակ Խլղաթյանը, մարզպետարանի աշխատակազմի վարչությունների պետերը, բաժինների վարիչները:

Օրակարգում՝

1. Հայաստանի Հանրապետության Գեղարքունիքի մարզի համայնքային բյուջեների սեփական եկամուտների հավաքագրման արդյունքների մասին:

/Զեկ. Յուրա Մուշեղյան - մարզպետարանի աշխատակազմի ֆինանսական
և սոցիալ տնտեսական զարգացման վարչության պետ/

2. Հայաստանի Հանրապետության Գեղարքունիքի մարզի 2018 թվականի տարեկան գործունեության ծրագրի մասին:

/Զեկ. Վարդանուշ Մնացականյան - մարզպետարանի աշխատակազմի
զարգացման ծրագրերի և վերլուծության բաժնի վարիչ/

3. Այլ հարցեր:

Հայտարարությունով հանդես եկավ՝

Վանիկ Հարությունյանը - մարզպետարանի աշխատակազմի տեղական
ինքնակառավարման և հանրապետական գործադիր
մարմինների հարցերով վարչության պետ

Մարզի խորհրդի աշխատանքներն ամփոփեց մարզպետ Կարեն Բոթոյանը:

1. Առաջարկվեց ՀՀ Գեղարքունիքի մարզի համայնքների ղեկավարներին՝

1) ամենօրյա աշխատանքներ տանել 2017 թվականի համայնքային բյուջեների սեփական եկամուտների /հողի հարկ, գույքահարկ, տեղական տուրքեր, հողի և գույքի վարձակալությունից եկամուտներ/ և աշխատավարձերի գծով կուտակված պարտքերը մարելու ուղղությամբ.

2) 2018 թվականի համայնքային բյուջեները պլանավորելիս նախատեսել 2017 թվականի համեմատ սեփական եկամուտների 20-ից 25 տոկոս աճ.

3) 2018 թվականի համայնքային բյուջեները ՀՀ օրենսդրությամբ սահմանված ժամկետում ներկայացնել ՀՀ Գեղարքունիքի մարզպետարանի աշխատակազմի համապատասխան ստորաբաժանում.

4) 2018 թվականի հունվարին ավարտին հասցնել մարզի խոշորացված և 5000-ից ավելի բնակչություն ունեցող համայնքների համայնքապետարանների աշխատակազմերի հաստիքացուցակով 2018 թվականի հունվարի 1-ից նախատեսված տնտեսական զարգացման հարցերով պատասխանատուի հաստիքում նշանակումների գործընթացը և հետևել նրանց վերապատրաստման գործընթացին:

ՄԱՐԶՊԵՏ՝



ԿԱՐԵՆ ԲՈԹՈՅԱՆ